



# Qhia Rau Kuv Paub Ntxiv txog... Program of All-Inclusive Care for the Elderly (PACE)

## Qhov Program of All-Inclusive Care for the Elderly yog Dab Tsi?

Qhov Kev Pab Cuam Program of All-Inclusive Care for the Elderly, los yog raws li sawv daws paub yog PACE, yog ib qho kev pab cuam uas muab cov kev pab mus sij hawm ntev muaj txhij txhua, cov kev pab kom noj qab haus huv thiab kev kho mob, thiab cov tshuaj kws kho mob ua ntawv mus yuav los mus pab kom koj nyob tau tus kheej tsis tos leej twg npaum li koj muaj cuab kav ua tau.

Qhov kev pab tu mus sij hawm ntev yog ib qhov kev pab los yog kev txhawb zog twg uas ib tug neeg xav tau los pab rau nws vim muaj ib tug mob xiam oob qhab, muaj hnuv nyooq laus dua qub lawm, los yog muaj ib tug mob mus ntev tsis txawj zoo uas txwv nws rab peev xwm los mus ua tau cov hauj lwm uas yog ib feem ntawm nws lub neej niaj hnuv. Qhov no muaj xws li kev da dej, hnav khaub ncaws, ua zaub ua mov noj, mus ua hauj lwm, them tej nuj nqis, thiab ntau yam ntxiv. Nws muaj ntau yam kev pab thiab kev txhawb zog hauv PACE uas yuav pab tau cov neeg ua tej hauj lwm no lawv tus kheej, los yog muab kev txhawb zog los ntawm lwm tus. Ib cov ntawm cov kev pab no yuav muab rau koj nyob rau ntawm PACE Center, yog koj xaiv mus koom rau hauv lub Center.

PACE kuj them rau koj cov kev noj qab haus huv thiab kev kho mob, uas muaj xws li cov kev pab los ntawm ib tug kws kho mob, tus kws tu neeg mob (nurse practitioner), tus pab kws kho mob (physician assistant), los yog lwm tus kws paub txog kev kho mob tshaj lij. Kev qhia txog kev noj qab haus huv, tiv thaiv kab mob, kev kho mob, thiab kev kawm pub rau cov neeg mob los tseem muaj tib si thiab. Ib qho ntxiv, Medicaid thiab Medicare cov kev pab mus yuav tshuaj yog muab los ntawm lub Koom Txoos Tswj Kev Pab Tu (Managed Care Organization, MCO) uas tswj hwm PACE. Yog koj muaj npe tau txais kev pab hauv PACE, ces koj tsis tas yuav muaj ib daim Medicare Part D drug plan txawv nws muaj nws.

*Qhov muab koj cov kev pab mus sij hawm ntev, kev noj qab haus huv, kev kho mob, thiab tej tshuaj noj tag nrho los ua ke, qhov kev pab cuam no yuav muab kev yooj yim thiab muaj peev xwm ua tau zoo hauv nws txoj kev khiav hauj lwm.*

## PACE Ua Hauj Lwm Li Cas?

### Cov Neeg Tau Txais Kev Pab Tswj Hwm Txoj Kev Tu Uas Muaj Ntau Yam Rau Lawv.

Txoj kev teev kom paub txog koj cov kev xav tau, dab tsi uas muaj pab rau koj, thiab paub txog kev tu thiab cov kev pab kuj yog ib qho nyuaj kawg. Tej zaum koj yuav xav tau kev pab los mus khiav cov kev pab rau koj txoj kev noj qab haus huv, kev kho mob thiab cov kev pab tu mus sij hawm ntev. Yog koj koom rau hauv PACE, ces koj yuav tau txais kev txhawb zog los ntawm ib pab neeg muab kev tu uas tau kawm txog kev tswj hwm txoj kev tu kom noj qab haus huv thiab kev mob nkeeg, ntxiv rau cov kev pab tu mus sij hawm ntev uas koj xav tau.

Koj yog ib tug koom rau pab neeg no uas muaj xws li, qhov tsawg kawg, PACE ib tug kws kho mob (los yog zej zos tus kws kho mob), ib tug kws tu neeg mob, ib tug tswj kev pab tu, PACE Center tus neeg khiav hauj lwm, kev pab tu hauv tsev tus neeg khiav hauj lwm, kws



kho mob rau lub cev, kws kho mob kom ua tau hauj lwm, kws kho mob txog kev ua si thiab ib tug kws qhia kev noj haus. Koj tseem xaiv tau ib tug hauv koj tsev neeg los yog ib tug neeg koj hlub tshua los nyob hauv pab neeg tu koj. Muaj tej zaum cov neeg kuj xaiv lwm cov kws ua hauj lwm tshaj lij los koom ua ib tug tswv cuab rau pab neeg muab kev tu thiab. Nyob hauv PACE, pab neeg no muaj hu ua "pab neeg txawj ntau yam ua hauj lwm ua ke." Pab neeg no yuav nrog npaj, pab khiav hauj lwm, thiab yuav nrog tsom kwm saib xyuas cov kev pab tu koj nyob txhia qhov chaw.



### **Cov Neeg Tau Txais Cov Kev Pab Kom Nyob Tau hauv Lawv Lub Tsev Tsis Hais Thaum Twg Uas Lawv Nyob Tau.**

Pab cov neeg nyob hauv lawv lub tsev yog pluaj siab ntawm PACE qhov kev pab cuam. Txawm koj nyob hauv ib lub tsev, tsev chav (apartment), tsev ntau yim (condominium) los yog tsev txav chaw (mobile home), koj pab neeg PACE yuav ua hauj lwm nrog koj xwv kom koj nyob tau twj ywm hauv koj tus kheej lub tsev mus. Cov kev pab feem ntau yeej muab tau nyob hauv tsev rau cov neeg feem coob. Yog koj twb nyob hauv ib qhov chaw muaj neeg pab tu los yog tsev laus uas raug nyiaj ntau me ntsis rau koj lawm, ces PACE yuav pab tau koj nrhiav lwm qhov chaw rau koj nyob uas muaj raws li cov kev koj xav tau es them taus tus nqi dua. PACE yuav ua hauj lwm nrog koj los mus nrhiav thiab tau qhov chaw nyob ruaj thiab zoo rau koj.

### **Cov Neeg Koom rau Txoj Kev Txiaj Txim Cov Kev Pab Uas Lawv Tau Txais.**

Thawj kauj ruam hauv txoj kev npaj rau PACE cov kev pab yog rau koj tham nrog pab neeg tu koj seb koj xav nyob lub neej zoo li cas, seb koj xav nyob qhov chaw koj nyob tam sim no los yog txawv lwm qhov, thiab hom kev pab txawb zog uas koj xav tau yog dab tsi los mus ua kom tau raws li cov kev tu koj mus sij hawm ntev. Kauj ruam no muab hu tias yog kev txheeb xyuas (assessment).

Cov kev pab uas koj yuav tau txais ces yuav muab teev rau hauv ib daim phiaj muab kev tu (care plan). Pab neeg ua hauj lwm nrog koj tsim kom tau koj daim phiaj uas yog muab tej ntau ntawv thiab tej lus qhia uas koj xav tau kom thiaj paub txiaj txim xaiv qhov kev pab tu uas koj yuav tau txais. Koj daim phiaj tu koj yuav pab koj kom ua tau raws li qhov kev tu koj mus sij hawm ntev cov kev xav tau kom ua tau cov hauj lwm tshwm sim rau koj lub neej uas koj thiab koj pab neeg tau muab teev rau hauv qhov kev txheeb xyuas.

### **Cov Neeg Xaiv Cov Muab Kev Pab los ntawm ib Cov Neeg Ua Hauj Lwm Ua Ke.**

Cov neeg koom rau hauv PACE yuav xaiv lawv txoj kev tu mus sij hawm ntev thiab cov muab kev pab kom noj qab haus huv los ntawm ib cov muab kev pab ua hauj lwm ua ke (provider network). Cov Koom Txoos Tswj Kev Pab Tu (Managed Care Organizations, MCOs), yog cov chaw muab PACE qhov kev pab rau sawv daws, yuav tsum muaj cov chaw muab kev pab rau tag nrho cov kev pab uas qhov kev pab cuam them rau thiab yuav tsum muaj txaus rau cov tswv cuab xaiv hais txog tus muab kev pab thiab qhov chaw uas lawv tau txais lawv cov kev pab.

Ntxiv rau ntawm qhov kev xaiv koj cov muab kev pab mus sij hawm ntev los ntawm cov muab kev pab ua hauj lwm ua ke (provider network), nyob hauv PACE, koj kuj tseem xaiv koj tus kws kho mob los ntawm cov kws kho mob uas ua hauj lwm rau PACE qhov kev pab cuam los yog lub zej zos cov kws kho mob. Cov kev pab rau koj kom noj qab haus huv thiab tu koj mus sij hawm ntev tau tsim tawm los kom muaj ib tug kws kho mob nyob hauv pab neeg ua hauj lwm rau koj. Yog tias koj tus kws kho mob tsis nyob hauv cov koom ua hauj lwm ua ke, ces PACE yuav tham tau nrog koj tus kws kho mob hais txog qhov los koom rau hauv cov muab kev pab ua hauj lwm ua ke.





*Thov cim cia: kom muaj feem tsim nyog tau txais kev pab rau PACE, koj yuav tsum muaj npe tau txais kev pab hauv txhua feem ntawm Medicare uas koj tsim nyog tau txais.*

Yog koj koom rau PACE ib qho kev pab cuam, qhov kev pab yuav tshuaj kuj muab tso nrog rau qhov kev pab. Cov tswv cuab hauv PACE mus nqa tau lawv cov tshuaj ntawm PACE cov khw muag tshuaj. Yog koj muaj Medicare, koj tsis tas yuav tau muaj Medicare Part D drug plan txawv nws muaj nws. Koj yuav tsis tau them feem yus nrog them (co-pays) los yog feem yus them ua ntej (deductibles) rau koj cov nqi tshuaj yog tias koj muaj npe tau txais kev pab hauv PACE. Cov tswv cuab tseem tau txais cov kev pab kho hniav uas yog ib feem ntawm cov kev pab.

### **Cov Neeg Tau Txais Cov Kev Pab Uas Lawv Xav Tau Los Ntawm Ib Qhov Kev Pab.**

Kev mus tshawb nrhiav tsoom fww ntau cov kev pab cuam ib qho rau ib qho los mus txiav txim cov kev pab uas koj yuav tau txais yog ib qho nyuaj kawg. Tsab xov zoo rau koj ces yog tias PACE yuav them rau cov kev pab tu mus sij hawm ntev, kev noj qab haus huv thiab kev mob nkeeg thiab cov tshuaj kws kho mob ua ntawv mus yuav uas muaj nyob hauv Medicare thiab Medicaid ntau yam kev pab cuam. Qhov nov muaj cov kev pab yuav tshuaj xwv kom yooj yim rau koj tau txais cov tshuaj kws kho mob sau ntawv mus yuav thiab ib cov uas yuav tau ntawm txe.

### **Cov Neeg Tau Txais Cov Kev Pab uas Ua Tau Hauj Lwm Zoo Tshaj Raws Li Lawv Siab Xav Tau.**

Qhov PACE ua tau zoo yog qhov muab luj tau los ntawm cov hauj lwm ua tau raws li koj lub neej kev xav tau tiag, los yog cov hauj lwm ua tau tshwm sim rau koj los ntawm cov kev pab uas koj tau txais. “Cov Hauj Lwm Ua Tau Raws Li Neeg Lub Neej Xav Tau” nyob hauv PACE yog feem tseem ceeb ntawm neeg lub neej.

Cov lus hauv qab no yog “Cov Hauj Lwm Ua Tau Raws Li Neeg Lub Neej Xav Tau” uas PACE pab neeg rau siab ua kom tshwm sim thaum koj koom rau hauv qhov kev pab cuam. Thaum koj koom rau hauv qhov kev pab cuam, koj yog tus txiav txim rau cov hauj lwm ua kom tau tshwm sim rau koj lub neej. Qhov pab kom koj tau raws li koj cov kev pab tu koj mus sij hawm ntev kom ua tau hauj lwm tshwm sim rau koj yog lub hom phiaj ntawm PACE:

- Kuv yog tus txiav txim yuav nyob qhov twg thiab nrog leej twg nyob.
- Kuv yog tus txiav txim hais txog cov kev txhawb zog thiab cov kev pab rau kuv
- Kuv yog tus txiav txim seb kuv yuav ua dab tsi hauv ib hnub.
- Kuv muaj kev sib raug zoo nrog kuv tsev neeg thiab tej phooj ywg.
- Kuv ua hauj lwm los yog ua lwm yam uas tseem ceeb rau kuv.
- Kuv muaj kev koom rau hauv kuv lub zej zog.
- Kuv lub neej nyob tus yees.
- Kuv raug luag hwm kuv thiab saib kuv muaj kev ncaj ncees.
- Kuv muaj sij hawm rau kuv tus kheej.
- Kuv muaj kev noj qab haus huv zoo npaum li muaj tau.
- Kuv nyob muaj kev nyab xeeb.
- Kuv nyob tsis muaj leej twg tsim txom thiab tsis saib tsis xyuas kuv.

